

Protocol no. 94**Sezzüda da lündeschdi, als 31 marz 2014 19.45 - 23.00**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Pro la trattativa 839 (20.15) Mario Zanetti e Tina Maria Ritz-
Benderer da la soc. Sent Turissem.

Protocol

Il protocol no. 93 da la sezzüda da lündeschdi, als 17 marz 2014 vain approvà.

839 830 TURISSEM
Soc. Sent Turissem; collavuraziun cul cumün ; puncts chi nu
cuntaintan

Ils respunsabels da la soc. Sent Turissem vaivan giavüschà ün aboccamaint cul cussagl cumünal per trattar divers puncts tanter la società da Sent turissem ed il dicasteri turissem chi nu cuntaintan. Eir il punct a regard l'ingaschamaint pro'l TESSVM da la cusgliera in uffizi ais amo üna jada gnü discutà. Il cussagl vaiva però fat sclerimaints, trattà e decis lasupra fingià a chaschun da sia sezzüda dals 20 november 2013 e decida da restar pro quella posiziun.

840 021 FABRICA
Urs Domenic; foras geotermicas cun pompa da chalur; parcella
no. 265 a Chasellas

Il permiss davart da l'uffizi per la natüra ed ambiaint ais avantman. Las fouras vegnan fattas sün terrain privat. Il cussagl conced'il permiss cun vusch unanima, premiss però chi nun aintran ingüns recuors fin cha'l temp da publicaziun ais scadü, dimena fin als 7 avrigl 2014.

841 021 FABRICA
Società vachas mamma e soc. d'alp e chascharia Sent;
chamonna Mariers; lavuors da mantegnimaint cun installaziun
d'üna tualetta e duscha sco eir allontanamaint da la chamonna
veglia dal lift

La cumischiun ha examinà la dumonda da fabrica e la documainta ais avantman in möd cumplet. Sün proposta da la cumischiun decid'il cussagl d'inviar la dumonda inavant a l'uffizi da planisaziun a Cuaira pel proceder dal BAB.

842 021 FABRICA
Armin Rütthard; müdamaints da proget chasa da plüssas
famiglias; parcella no. 92 in Pradè

La cumischiun da fabrica ha examinà la dumonda chi prevezza alchüns müdamaints da proget. L'apparentscha resta medemma ed il volüm dal stabilimaint vain plü pitschen sco

previs. Uschè ha la cumischiun decis da na publichar la dumonda, la quala ais gnüda trattada suot la procedura d'annunzcha.

Tuotta documainta gnüda pretaisa davopro ais uossa avantman uschè cha'l cussagl conced'ìl permiss da fabrica in möd definitiv.

**843 340.366.01 Promoziun - Sport d'inviern
Prolungaziun da l'indriz d'innaiver / renatüralisaziun dal foss**

L'uffizi chantunal per la natüra e l'ambiant ha pretais da las pendicularas Motta Naluns SA masüras da recumpensaziun in vist'a l'intent da prolungar l'indriz d'innaiver. Uschè sto gnir renatüralisà resp. suoglià il foss avert chi d'eira gnü realisà avant ca. 15 ons sülla parcella cumünala. Il cussagl vaiva fingià approvà las lavuors previssas.

844 DIVERSAS SCHEFS

Società da chavras Sent / dumonda per alpagnar chavras estras sül territori da Sent

Il cussagl conced'ìl permiss per alpagnar chavras estras sül territori da Sent pella stagiun 2014, quai suot üsitadas cundiziuns.

Proget sanaziun da l'infrastructura via Stron e Surataglia / sgürada d'üna cumprova periclitada

Il capo, A. Mayer, infuormesch'in chosa. Ch. e B. Planta vaivan pretais la sgürada d'üna cumprova periclitada. La dumonda ais entrada bler massa tard, però i's ha manà tras il proceder bsögnaivel per tuot ils tangats. Cun quai vain it d'accord.

845 ORIENTAZIUNS

Società d'Alps germanaisa (DAV – Deutscher Alpenverein) secziun Heidelberg giubileum da 125 ons

Las festivitats sun previssas dals 29 fin als 31 avuost 2014. Ils respunsabels invidan fingià hoz da far part a quellas. I vain amo scleri, chi dal cussagl chi sarà da la partida.

846 VARIA

Dumonda davart Helmut Heis, pensiun Plaz

Il manzunà prevezza da plazzar per la dürada da gün fin october 2 maisas da festa cun bancs sülla piazza da parcar davant l'entrada da la pensiun. Üna pitschna part as rechatta sün terrain cumünal. Il cussagl til propuona da plazzar quellas maisas davu via, causa cha seguond ledscha da fabrica sto gnir mantgnü'd'üna distanza davent da la via da 0,50 cm e quai nun sarà pussibel d'accumplir.

Plünavant prevezz'ìl manzunà da servir in sia pensiun il davomezdi bavrondas e tuortas al public. Cun quai va il cussagl d'accord.

Tablas da bivgnaint / cumün da Sent

Davart dal TESSVM vain preschantada üna proposta. Il cussagl tilla consulta e chatta cha quella dess gnir müdada per part – dimena la fotografia nu cuntainta tant nan da la culur sco eir dal purtret. M. Werro s'occupa da la fatschenda e suottametterà quella al TESSVM a surelavuraziun. Ils duos lös previs pel plazzamaint da las tablas sun: Storta dals cunfins ed a Crusch pro la via da Sur En.

Resultat da votumaziun / fusiun dals 6 cumüns

Cun plaschair e satisfacziun ha il cussagl cumünal tut cugnuschentscha dal cler resultat cul qual ils da Sent han acceptà il contrat da la fusiun dals 6 cumüns. El ha eir baja da quella

grondiusa quota da partecipaziun, dimena la plü gronda da tuots ils 6 cumüns da bundant 77% e da la part chi ha dit da schi da bundant 72%. Quel votum ais ün segn da fich gronda fiduzcha illa gruppa da proget ed in tuots respunsabels chi sun stats involvats. Il cussagl exprima quattras a tuot seis abitants ün cumplimaint ed ün cordial ingrazchamaint. La lavur però cumainza pür ed i sta avant üna lunga e pretenziusa via. Culla basa chi'd ais gnüda datta als 30 da marz as poja inchaminar quella via cun optimissem. Il cussagl appella a l'incletta ed a la pazienza da minchün chi bsögnarà fin cha'l char rodla a satisfacziun da tuots.

L'actuar:
M. Fallet

Il capo:
Albert Mayer